

影印
文淵閣

四庫全書

影印

文淵閣四庫全書

第一四六八冊

北京出版集團公司
北京出版社

本冊目次

元
詩

初

卷

選
集
首

清
顧嗣立編……一

欽定四庫全書

集部
元詩選初集卷二
首至

詳校官中書臣王鵬

主事銜臣徐以坤覆勘

總校官編修臣王燕緒
校對官檢討臣溫常綬
謄錄監生臣暴暄

欽定四庫全書

集部八

元詩選

總集類

提要

臣等謹案元詩選初集六十八卷卷首一卷
二集二十六卷三集十六卷

國朝顧嗣立編嗣立字俠君長洲人康熙壬辰
進士改庶吉士是選凡三集每集之中又以
十千分為十集而所謂癸集者有錄無書故

欽定四庫全書

元詩選初集
提要

皆止於九集焉初集所錄自帝王別為卷首
外元好問以下凡一百家二集所錄段克己
弟兄以下凡一百家三集所錄麻革以下凡
一百家每人各存原集之名前列小傳兼品
其詩雖去取不必盡當而網羅浩博一一採
自本書具見崖畧非他家選本餽餉綴合者
可比有元一代之詩要以此本為鉅觀矣嗣
立稱所見元人之集約四百餘家方今

詔採遺書海內祕藏無不輻輳中間為嗣立所未

見者固指不勝屈而嗣立所見今不著錄者

亦往往有之蓋相距五六十年隱者或顯而

存者亦或偶佚殘膏賸馥轉藉是集以傳則

其功亦不可沒矣乾隆四十六年十月恭校

上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

元詩選初集

二

欽定四庫全書

元詩選初集卷首

廣吉士顧嗣立編

文宗皇帝

自集慶路入正大統途中偶吟

穿子襖衫便著鞭一鉤殘月柳梢邊二三點露滴如雨

六七箇星猶在天犬吠竹籬人過語雞鳴茅店客驚眠

須臾捧出扶桑日七十二峯都在前

望九華

欽定四庫全書

元詩選初集

一

昔年曾見九華圖為問江南有也無今日五溪橋上見
畫師猶自欠工夫

順帝

贈吳王

金陵使者過江來漠漠風煙一道開王氣有時還自息
皇恩無處不周回莫言率土皆王化且喜江南有俊才
歸去丁寧頻屬付春風先到鳳皇臺

元詩選初集卷首

欽定四庫全書

元詩選初集卷一

庶吉士顧嗣立編

元好問遺山集

好問字裕之太原秀容人七歲能詩有神童之目年十四從陵川郝天挺學六年而業成下太行渡大河為箕山琴臺等詩禮部趙秉文見之以為近代無此作也于是名震京師謂之元才子金宣宗興定三年登進士第不就選往來箕

欽定四庫全書

元詩選初集

一

頴者數年除南陽令調內鄉歷尚書省掾左司都事員外郎天興初入翰林知制誥金亡不仕元世祖在藩邸聞其名將以館閣處之未用而卒年六十有八世稱遺山先生先生天才清瞻邃婉高古沈鬱太和力出意外功縟而不見斧鑿新麗而絕去浮靡雜弄金碧揉飾丹素奇芬異彩動蕩心魄以五言為雅正而出奇于長句雜言樂府不用古題新意特出歌謠慷慨挾幽

并之氣晚年尤以著作自娛謂金源氏實錄在

順天張萬戶家國亡史興已所當任乃言于張

願為撰述人或沮之先生曰不可使一代之迹

泯而不傳乃構亭于家名曰野史采摭所聞以

寸紙細字輒為記錄至百餘萬言世所傳者詩

文集外有中州集壬辰雜編及杜詩學東坡詩

雅錦機詩文自警等書自中原板蕩風雅道衰

汴京之亡故老都盡先生蔚為一代宗工以文

欽定四庫全書

元詩選初集

二

章獨步者幾三十年由是學者知所指歸作為詩文皆有法度百年以還名家輩出別裁偽體溯流窮源論者以先生為標準不亦宜乎

箕山

幽林轉陰崖鳥道人迹絕許君棲隱地唯有太古

一作荒

雪人間黃屋貴物外祇自潔尚厭一瓢喧重負寧所屑

降衷均義稟汨利忘智決得隴又望蜀有齊安用薛干

戈幾蠻觸宇宙日流血魯連蹈東海夷齊

一作叔

采薇歲

至今陽城山衡華兩丘垤古人不可作百念肝肺熱浩歌北風前悠悠送孤月

緱山置酒

同內翰馮文叔獻雷兄希顏賦詩分韻得賓字

靈宮肅清曉細柏含古春人言王子喬鶴馭北上賓白雲山蒼蒼平田木欣欣登高覽元化浩蕩融心神西望洛陽城大路通平津行人細如蟻擾擾爭紅塵蓬萊風濤深鬢毛日夜新殷勤一杯酒媿爾雲間人

光武臺

欽定四庫全書

元詩選初集卷一

東南地上游荆楚兵四衝遊子十月來登高送長鴻當年赤帝孫提劍起蒿蓬一顧潢水斷再顧新都空雷霆萬萬古青天看飛龍歸然此遺臺落日荒煙重誰見經綸初指揮走羣雄白水日夜東石麟幾秋風空餘廣武歎無復雲臺功

潁亭留別

同李治仁卿張肅子敬王元亮子正分韻得畫字

故人重分攜臨流駐歸駕乾坤展清眺萬景若相借北風三日雪太素秉元化九山鬱崢嶸了不受陵跨寒波

淡淡起白鳥悠悠下懷歸人自急物態本閒暇壺觴負吟歎塵土足悲咤回首亭中人平林澹如畫

潁亭

春物已清美客懷自幽獨危亭一徘徊翛然若新沐宿雲淡野川元氣浮草木微茫盡楚尾平遠疑杜曲生平遠遊賦吟諷心自足竭來著世網抑抑就邊幅人生要適情無榮復何辱乾坤入望眼容我謝羈束一笑白鷗前春波動新綠

欽定四庫全書

元詩選初集卷一

出京

史院得告歸嵩山侍下

從官非所堪長告欣得請驅馬出國門白日觸隆景半生無根著飄轉如斷梗一昨隨牒來六月阻歸省城居苦湫隘羣動日蛙黽慙媿山中人團茅遂幽屏塵泥久一作相浣一作浣夢寐見清潁矯首孤飛雲西南路何永

元魯縣琴臺

荒城草木合破屋風雨侵千年一琴臺睠焉涕盈襟遺愛食縣社公寧不堪任此臺即甘棠忍使無餘陰旁舍

高以華大豪日捐金蒼雲玄武莫鬼物憑陰岑尚德抑
玄虛隆典誰當尋我興薦寒泉百拜公來臨公來不能
知落日下饑禽懷哉空山裏鶴飛猿與吟當年于為歌
補袞一何深承平示得意獨能正哇淫君相此一時又
復悟良箴諛臣坐廢黜盍亦起幽沈蒲輪竟願輟香草
空深林寂莫授書室孤甥舉遺衾生平諒已然薄俗矧
來今千山為公臺萬賴為公琴夔曠不竝世月露為知
音人間號岑耳已矣非公心

元道州文編以元魯山為
元魯縣又臺今為玄武祠

欽定四庫全書

元詩選初集

五

故及之

古意二首

七歲入小學十五學時文二十學業成隨計入咸秦秦
中多貴遊幾與書生親年年抱關吏空笑西來頻在昔
學語初父兄已卜鄰跛鼃不量力強欲緣青雲四十有
牧豕五十有負薪寂寥抱玉獻賤薄倡優陳青衫亦區
區何時畫麒麟遇合僅一二饑寒幾何人誰留章甫冠
萬古徒悲辛

桃李弄嬌嬌梨花澹丰容盈盈兩無語職職爭春風春
風何許來草木誰青紅天公亦老矣何意夸兒童昨朝
花正開今朝花已空川流不肯駐并與繁華東梗楠干
歲姿骯髒空谷中陽和不擇地亦復難為功本無兒女
心安用尤天公

贈荅劉御史雲卿

學道有通蔽今人乃其尤溫柔與敦厚埽滅不復留高
蹇當父師排擊劇寇讐真是未可必自私有足羞古人

欽定四庫全書

元詩選初集

六

相異同寧復操戈矛春風入萬物枯枿將和柔克已未
有加歸仁亦何繇先儒骨已腐百罵不汝酬胡為文字
間刮垢搜癰疣吾道非申韓哀哉涉其流大儒不知道
此論信以不我觀唐以還斯文有伊周開雲揭日月不
獨程張儔聖途同一歸論功果誰優戶牖徒自闢

一作開

膠漆本易投九原如可作吾欲起韓歐

送欽叔內翰并寄劉達卿郎中白文舉編修二首

君性我所諳我心君所知凡我之所短君亦時有之謀

事恨太銳臨斷恨太遲持論恨太高徇俗恨太卑人道
自近始貧富理不齊君自不得飽欲療何人饑乞醯乞
諸鄰聖哲有明譏被髮抹鄉人智者所不為且如與人
交交有非所宜白黑不復擇豁豁傾心脾汎愛豈不可
後悔終自貽又如與人言寧復無失辭刺口論成敗白
眼談歌詩世故發黃間能不發其機聞君作損齋似覺
豪華非懲忿與室慙百年有良規與子各努力歲晚以
為期

欽定四庫全書

元詩選初集

七

古人遙相望每恨不同時同時得古人歡樂良在茲君
歸豈不佳交遊滿京師門前車馬來笑言慰所思細話
洛陽事高詠嵩山詩宮壺發新篋宮梅耿幽姿故應劉
與白亦復念微之

飲酒五首

襄城作

西郊一畝宅閉門秋草深牀頭有新釀意慙成孤斟舉
杯謝明月蓬華肯相臨願將萬古色照我萬古心
去古日已遠百偽無一真獨餘醉鄉地中有義皇淳聖

教難為功乃見酒力神誰能釀滄海盡醉區中民

利端始萌芽忽復成禍根名虛買實禍將相安足論驅

驢上邯鄲逐兔出東門離官寸亦樂里社有拙言

離官寸亦

樂晉但
謗云然

萬事有定分聖智不能移而於定分中亦有不測機人
生桐葉露見日忽已晞唯當飲美酒儻來非所期
此飲又復醉此醉更酣適徘徊雲間月相對澹以默三
更風露下巾袖警微溼浩歌天壤間今夕知何夕

欽定四庫全書

元詩選初集

後飲酒五首

陽翟作

少日不能觴少許便有餘此得酒中趣日與杯杓俱一
日不自澆肝肺如欲枯當其得意時萬物寄一壺作病
知柰何妾婦良區區但媿生理廢饑寒到妻孥吾貧蓋
有命此酒不可無

金丹換凡骨誕幻若無實如何杯杓間乃有此樂國天
生至神物與世作酣適豈曰無妙理澆漾莫容詰康衢
吾自樂何者為帝力大笑白與劉區區頌功德

客從崧少來貽我招隱詩為言學仙好人間竟何為一笑顧客言神仙非所期山中如有酒吾與爾同歸

酒中有勝地名流所同歸人若不解飲俗病從何醫此語誰所云吾友田紫芝紫芝雖吾友痛飲真吾師一飲三百杯談笑成歌詩九原不可作想見當年時飲人不飲酒正自可飲泉飲酒不飲人屠沽從擊鮮酒如以人廢美祿何負焉我愛靖節翁於酒得其天龐通何物人亦復為陶然兼忘物與我更覺此翁賢

欽定四庫全書

元詩選切集

九

少林

雲林入清深禪房坐蕭爽澄泉潔餘習高鳥喚長往我無玄豹姿漫有紫霞想回首山中雲靈芝日應長

劉曲龍潭

一無劉
曲二字

層冰積浩蕩陵谷低吞吐窈窕轉幽壑突兀開淨宇回頭山水縣亦復墮塵土孤雲鐵梁北宇宙一仰俛風景初不殊川塗忽修阻寒潭海眼淨眈眈自太古蟄龍何年卧萬國待霖雨誰能裂蒼崖雷風看掀舉

山中人歲
早則轉大

石入潭中以駭龍
瞬息致雨故云

麥歎

借地乞麥種傲倖今年秋乞種尚云可無丁復無牛田主好事人百色副所求盼盼三百斛寬我饑寒憂我夢溱南川平雲綠油油起來望河漢旱火連東州四月草不青吾種良漫投田間一太息此歲何時周向見田父言此田本良疇三歲廢不治平聲種則當倍收如何落吾手年年變雞猴身自是早母咄咄將誰尤人滿天地間

欽定四庫全書

元詩選切集

十

天豈獨吾讐正以賦分薄所向因拙謀不稼且不穡取禾亦何繇辦作高敬通惡雨將漂流吾貧有濫觴賢達未始羞單衣適至斁一劍又蒯緱焉知寄食餓不取丞相侯作詩以自廣時用高聲謳

龍門雜詩

石樓繞清伊塵土天所限人言無僧久草滿不復划灘聲激悲壯山意出高寒當年香山老挂冠遂忘返高情留詩軸清話入禪版誰言海山去蕭散仍在眼溪寒不

可涉倚杖西林晚

豐山懷古

豐山一何高，古屋蒼煙重。開門望吳楚，鳥去天無窮。連山橫巨壑，白水亘長虹。川原鬱佳氣，自古南都雄。炎精昔季興，卧龍起隆中。落落出奇策，言言揭孤忠。時事有可論，生晚恨不逢。漢賊不兩立，大義皎日同。吳人操等耳，忍與分河潼。奪操而與權，何以示至公。一民漢遺黎，尺地漢故封。守民及守土，天地與相終。不能禦寇讐，顧

欽定四庫全書

元詩選初集

十一

以寇自功，既異鴻溝初。又非列國從，一券捐一作半產

二祖寧汝容。端本一已失，孤唱誰當從。至今有遺恨，廟

栢號陰風。舊聞清泚淵，天籟如撞鍾。山徑野人語，誕幻

欺孩童。開元有亂階，鹿飲溫泉宮。黃猿何為者，乃爾能

嘯。允乾坤之大音，久鬱理當通。清霜旦夕落，佇爾驚羣

聾。孔明自謂漢室季興清泚淵黃猿出見廟碑述開元事

乙酉六月十一日雨

一旱近兩月，河洛東連淮。驕陽佐大火，南風卷黃埃。草

樹青欲乾，四望令人哀。時時怪事發，雨雹如李梅。我夢

天河翻崩騰，走雲雷。今日復何日，駛雨東南來。元氣淋

漓中焦卷，意已迴。良苗與新穎，鬱鬱無邊涯。書生如老

農，苦樂與之偕。閭閻聞古語，一笑心顏開。酉年酒如漿，

乾溢安能裁。一作裁惟當作高廩，多具尊與壘。家人笑問

我君田安在哉。映雨與快同音見魏志

觀浙江漲

浙水今在鄞陽見水經注非浙江也

一旱千里赤，一雨垣屋敗。浙故以江名，暴與衆壑會。初

欽定四庫全書

元詩選初集

十三

驚沙石卷，稍覺川谷隘。雷風入先驅，大塊供一噫。千帆

鼓前浪，萬馬接後派。崩崖不暇顧，拔木無留礙。憑陵如

藉勢，洄洑各有態。平分乍舒徐，怒觸忽碎壞。雲蒸楚樹

杪，雪映商嶺背。髣髴千丈潮，恍與海門對。攸飛闔蛟鱷，

燃犀出鱗介。陽侯富陰族，萬首露光怪。翠甃澹偃蹇，鉦

鼓亂碣磔。永懷疏鑿力，重歎神禹大。乾坤海為壑，未礙

變橫潰。納汙非無處，流惡聊自快。投詩與龍盟，滌蕩煩

一再。時拜大赦五日矣

鵲雀崖北龍潭

層崖閼頽陰水木深以阻湍聲半空落洶洶如怒虎風
生木葉脫魄動不敢語何年渾沌竅靈物此棲處初從
一綫溜開鑿到神禹雲雨鼓飛浪噴薄齊萬弩藏珠驪
龍領百斛快一吐油油入無底細散不濡縷歸藏海有
穴汎溢愁下土南峰天一柱萬古鎮幽府江山有奇探
落景迫行旅多慙茹芝人終年看飛雨

五松平

欽定四庫全書

元詩選初集

十三

竹港晨露白石門秋氣寒湍流落澗壑細路深茅管江
平白石出竟日沿清灣四顧不見人山鳥時間闌蒼崖
入地底煙靄青漫漫力盡不能過却坐空長歎青天白
雲間可望不可攀虛名竟何得行路乃爾難

贈荅楊煥然

詩亡又已久雅道不復陳人人握和璧燕石誰當分關
中楊夫子高誨世所聞十年玄尚白藜藿甘長貧有來
河水篇四海付斯文斯文有定在桓生知子雲古來知

已難萬里猶比鄰千人國中和要非心所親東楚西南
秦望君勞我神相逢不得語別去徒殷勤白雲不可贈
相思秋復春

送詩人李正甫

陽和入枯株靄靄含芳津山頭太古石不與萬物春朝
從木客遊莫將山鬼鄰紫芝僅盈菊幽蘭不克紉青雲
入長吁肝膽空輪囷我嘗讀君詩天趣觸眼新秦遊得
豪宕晉產餘真淳怒虎不受唾駭鹿未易馴安坐誰不
如半生走逡巡蒼蒼不可問藐藐誰當親青山碾為塵
白日無閒人空歌東野曲不抹西州貧

曉發石門渡湍水道中

水經湍音專

疎星澹秋明陰霞絢朝映積雨成坐愁晨光動幽興石
門歸馭引湍浦漁舫竝曠蕩萬景新歸藏四山靜平湖
風漪綠遠岸秋沙淨洋洋游魚一作逝汎汎輕鷗泳隱
顯乖夙心感遇一作見真性倦遊時自悼違已將安竟
憂端從中來茫茫發孤詠

欽定四庫全書

元詩選初集

十四

放言

韓非死孤憤虞卿著窮愁長沙一湘纍郊島兩詩囚人
生定能幾肺肝日相讎井蛙奚足論禪蟲良足羞正有
一朝樂不償百年憂古來帝王師或從赤松遊大笑人
間世起滅真浮漚曾是萬戶封不博一掉頭有來且當
避未至吾何求悠悠復悠悠大川日東流紅顏不暇惜
素髮忽已稠我欲升嵩高揮杯勸浮丘因之兩黃鵠浩
蕩觀齊州

欽定四庫全書

元詩選初集

十五

黃公廟

羈客無恒居六月走長路清風黃公祠地古欣所遇劍
飛素靈哭龍躍雲雨赴堂堂文成君談笑取帝傳功名
要有命陰相果何預誰謂圯上人異事驚竹素河清不
可俟筋力疲世故袖間一編書塵埃歎遲莫

學東坡移居八首

錄六

誰謂我屋寬寢處無復餘誰謂我屋小十口得安居南
榮坐諸郎課誦所依於西除著僮僕休沐一作得自如

老我於其間兀兀窮朝晡起立足久伸偃卧足展舒窻

明火焙煖似欲忘凶拘屋前有隙地容舍不可無花開

及菜圃次第當耘鉏東野戴家具家具少於車我貧不

全貧尚有百本書

故書堆滿牀故物貯滿箱渾渾商寶鬲纍纍漢銅章杖

節昭敬恭嚴卯訶痺剛雷文繞杖節獸面出珮璫私印

刻王尊玉斗蛟龍翔逸少留半紙魚網非硬黃亦有墨

首帖不辦作鴈行雪景瘡思物宣政舊所藏晉公古漁

欽定四庫全書

元詩選初集

十六

父浩歌濯滄浪因觀宮騎圖卧馳識提囊谿石含餘潤

奚墨凝幽香南榮挂風響雲裾珮鏗一作鏘鏡背先秦

書八字環中央讀之三歎息此日何時光

壬辰困重圍金粟論升勺明年出青城瞑目就束縛毫

釐脫鬼手攘臂留空橐聊城千里外狼狽何所託諸公

頗相念餘粒分鳧鶴得損不相償坏土填巨壑一冬不

製衣繒纈如紙薄一日僅兩食強半雜藜藿不羞蓬累

行粗識瓢飲樂敵貧如敵寇自信頗亦憇兒唬飯糲空

堅陣為屢却滄溟浮一葉渺不見止泊五窮果何神為
戲乃爾虐

舊隱嵩山陽筍蕨豐饒餉新齋浙江曲山水窮放浪乾

坤兩茅舍氣壓華屋上一從陵谷變歸顧無復望漁樵

一作樵漁憶往還一作還往風土夢間曠恍如悟前身姓改心不

忘去年住佛屋盡室寄尋丈今年僦民居卧榻礙盆盥靜

言尋禍本正坐一出妄青山不能隱俛首入羈鞅巢傾

卵隨覆身在顏亦強空悲龍髯絕永負魚腹葬置錐良

欽定四庫全書

元詩選初集

十七

有餘終身志悲愴一作愴創

國史經喪亂天幸有所歸但恨後十年時事無人知興

廢屬之天事豈盡乖違傳聞入讎敵祇以興罵譏老臣

與存亡高賢死兵饑身死名亦滅義士為傷悲哀哀淮

西城萬夫甘伏尸田橫巨擘耳猶為談者資我作南冠

錄一語不敢私稗官雜家流國風賤婦詩成書有作者

起本良在茲朝我何所營莫我何所思胸中有茹噎欲

得快吐之溼薪煙滿眼破硯冰生髭造物留此筆吾貧

復何辭

此州多寓士論年悉肩隨風波同一舟奚必骨肉為倪

家蓮花白每釀必見貽李昌妙琴事足以相娛嬉郭侯

家多書篇帙得徧窺趙子篤於學問以問所疑王生舊

鄰舍窮達心不移千里訪存歿十口分寒饑獨有仲通

甫天馬不可羈直以論詩文稍稍窺藩籬永懷王與李

朔漢行當歸書來聞吉語報我脫繫維慚非一狐腋不

直五殺皮我作野史亭日與諸君期相從一笑樂來事

欽定四庫全書

元詩選初集

十六

無庸知

濟南廟中古檜同叔能賦

亭亭祠宮檜鬱鬱上雲雨扶持幾年造物心獨苦青

餘玉川潤根入鐵岸古雖含棟梁姿斤斧安得取沈湮

地中久駭浪思一鼓天柱屹不移水國奠平土乾坤此

神物甲乙存世譜瀨鄉留耳孫闕里傳鼻祖秦松徒自

汙蜀柏聊共數會待十抱成茲焉重摩拊

別李周卿二首

行路澀於棘單車望于山歌君歸雲曲清涕留餘潸六
年河朔州動輒得謗訕惟君篤高義日來款柴闥古交
松柏心今交桃李顏古人去不返古道挽不還相思一
尊酒幽恨寄山間

城居日龜黽局促復局促去作山中客放浪誰檢束溪
光淡於冰山骨淨如玉懷我同心人團茅住深竹垂綸
鮮可食種秫酒亦足石壇三萬丈醉眼天一粟安得萬

里風相從兩黃鵠周卿學有淵源東川詩人未見其此與予約西游如詩中所說

欽定四庫全書

九日讀書山用陶詩露漙暄風息氣清天曠明為

韻賦十詩錄六

行帳適南下居人踞庭戶城中望青山一水不易渡今
朝川涂靜偶得展衰步蕩如脫囚拘廣莫開四顧半生
無根著筋力疲世故大似丁令威歸來歎墟墓鄉閭喪
亂久觸目異平素粉榆雖尚存歲晏多霜露

山腰抱佛剎十里望家園亦有野人居層崖映柴門昔
我東巖君曾此避塵喧林泉留杖屨歲月歸琴尊翁今

為飛仙過眼幾寒暄蒼蒼池上柳青衫見諸孫疎燈照
茅屋新月入頽垣二句先人詩依依覽陳迹惻愴不能言

宇宙有此山閱世過鳥疾何人不此游名姓寧復識茲
辰世所重前代多盛集柴桑有故事二謝留俊筆并數
孟與桓此外誰記憶人生百年內踏地皆陳迹獨惟我
輩人興懷念今昔山林與泉一作泉壤自古長太息

往年在南都間間主文衡九日登吹臺追隨盡名卿酒
酣公賦詩揮灑筆不停蛟龍起庭戶破壁春雷轟堂堂

欽定四庫全書

元詩選初集

千

髯御史痛飲益精明亦有李與王玉樹含秋清我時最
後來四座頗為傾今朝念存沒壯心徒自驚

我在正大初作吏浙江邊山城官事少日放浙江船菊
潭秋華滿紫稻釀寒泉甘腴入小苦幽光出清妍歸路
踏明月醉袖風翩翩父老遮我留謂我欲登仙一別半
山亭回頭餘十年江山不可越目斷西南天

吾山一何高清凉屹相望龍頭出白塢佛屋壓青嶂雲
先見秋半旭日發豪相戢戢寶樓閣金界儼龍象鄉曲

二十年香火闕瞻向金花香繇芊夢想雲雨上福田行
欲近重為詩酒障終當陟層巔放眼天宇曠

梨花海棠二首

梨花如靜女寂莫出春莫春工惜天真玉頰洗風露素
月淡相映蕭然見風度恨無塵外人為續雪香句孤芳
忌太潔莫遣凡卉妒

妍花紅粉妝意態工嬌嫵窈窕春風前霞衣欲輕舉金
盤渺華屋國豔徒自許依依如有意脈脈不得語詩人

欽定四庫全書

元詩選初集

主

太冷落愁絕殘春雨

題張左丞家范寬秋山橫幅

層崖閼長陰細徑緣絕巘梯雲闌干峻靡靡清眺展斜
陽半天赤飛鳥大江遠清霜張秋氣草樹生意翦風雪
斫堅敵旗旆紛仆偃崢嶸峰巒出莽蒼林薄晚盤盤范
家筆老懷寄高蹇經營入慘淡得處乃蕭散萬丘動歸
興突兀青在眼何時卧雲身團茅遂疎嬾

宿張靖田家

地屬壽陽

川涂盡坡陀嶺路入荒梗微茫望煙火向背得廬井殘

民安樸陋倦客喜幽屏兒童聞叩扉租吏有餘警兩崖

紛叢薄砂石立頑獷湍流落空嵌百折一作道不容騁山

深饒風露夜氣淒以耿園花淡相望邊月空照影深居

苦不早素髮忽垂領誰謂林野人茲焉惜清景

寶嚴紀行

陰崖轉清深秋老木堅瘦城居望已遠步覺脫氛垢寶
嚴夙所愛大室方再叩曛黑纔入門逕就石泉漱遙遙

欽定四庫全書

元詩選初集

主

金門寺寶焰山巖竇我豈無盡公昔見今乃又同來二

三子寢飯故相就况有杜紫微琴筑終雅奏曠曠上初

日深樾炯穿漏逶迤陟西巘萬景若迎候絕壁三面開

仰看勞引脰兩山老突兀屹立柱圓覆諸峰出頭角隨

起隨偃仆不可無煙霞朝暮為先後橫亘連巨麓飛墮

集靈鷲九華與奇巧五老失渾厚想當位置初遂欲雄

宇宙太行有缺谷勝絕無出右大似塵外人看字見高

秀哀湍下絕壑電激龍怒鬬崩奔翻雪窖瑩滑瀉瓊甃

窮源得懸流偉觀駭初邁仙人寶樓閣白雨散簷溜天
孫拂機絲素錦絢清晝永懷登高賦意匠一作困馳驟
窘於游暴秦百說不一售林間太古石稍復杯飲舊已
約銘窪尊細鑿留篆籀茲山緣未了僧夏容宿留終當
勾餘年奇探盡雲岫

鴈門道中書所見

金城留句浹兀兀醉歌舞出門覽民風慘慘愁肺腑去
年夏秋旱七月黍穰吐一昔營幕來天明但平土調度

欽定四庫全書

元詩選初集

三

急星火遁負迫捶楚網羅方高懸樂國果何所食禾有
百膳擇肉非一虎呼天天不聞感諷復何補單衣者誰
子販糴就南府傾身營一飽豈樂遠服賈盤盤鴈門道
雲澗深以阻半嶺逢驅車人牛一何苦

同白兄賦瓶中玉簪

畏景衆芳歇仙葩此夷猶冰姿出新沐娟倚清秋昨
夢今見之風鬟玉搔頭誰言閨房秀高情渺林丘碧筵

一作古銅壺一室香四周懷人成獨詠遠思徒悠悠

野史亭雨夜感興

私錄闕赴告求野或有取秋兔一寸毫盡力不易舉衰
遲私自惜憂畏當誰語展轉天未明幽窻響疎雨

繼愚軒和完承旨雪詩二首

今古幾詩人擾擾劇毛粟吾愛陶與韋泠然扣冰玉大
雅久不作聞韶信忘肉求音扣寂莫一歎動鄰屋水風
清鶴夢月露洗蟬腹白頭兩遺編吟唱心自足誰為起
九原寒泉薦芳菊

欽定四庫全書

元詩選初集

十四

愚軒具詩眼論文貴天然頗怪今時人雕鐫窮歲年君
看陶集中飲酒與歸田此翁豈作詩真寫胸中天天然
對雕飾真贗殊相懸乃知時世妝粉綠徒爭妍一作枯
淡足自樂勿為虛名牽

寄英禪師師時住龍門寶應寺

我本寶應僧一念墮儒冠多生經行地樹老井未涸一
窮縛兩脚寸步百里難空餘中夜夢浩蕩青林端故人
今何如念子獨輕安孤雲望不及冥鴻杳難攀前時得